

SELEBRA SEMANA LAUDATO SI' HAMUTUK HO NOVENA MARIA AUXILIADORA NIAN



Iha loron 24 Maiu LAUDATO SI halo tinan lima, loron boot MARIA AUXILIADORA nian. Ita prepara eventu rua ne'e hodi moris empenü EKOLOJIA INTEGRÁL. Nu'udar Saleziana/u ita iha Novena ba Maria Tulun-Na'in Sarani sira-nian husi 15-24 Maiu. Ida-ne'e mak oportunidade mós atu anima comunidade sira iha Timor-Leste (10) no Indonesia (3) atu

- **REZA NO REFLETE** kona-ba knaar atu tau matan ba Maromak nia kriaun no proteje ema kiak no vulneravel;
- Halo **ASAUN KONKRETA** ho planu ida loron sira nian, tuir loron sira Novena nian.

Iha novena nia loron ikus, ita bele halo dokumentáriu ida ho video clip (hanoin uluk halo ba Madre Jerál nia festa Gratidaun) no haruka ba coordenadora KOMSOS nian atu bele habelar iha social media no website FMA nian.

PROPOSTA ba Loron ida-idak NIA PRÁTICA mak hanesan tuirmai ne'e

15 Maiu – Hamenus lixu: uza hikas, resikla, halo kompos; la han hahán lataria; la sosa bee aqua; la uza nasi kotak atu tau hahán; la uza plastica bag maibé bote ka recycle bags sira ba merkadu...

16 Maiu – Green gardening – haburas kriadividade atu kria espasu verde hodi uza filafali materiál sira iha uma, kuda ai-hun, modo bainhira possivel...

17 Maiu – Atensaun ba konsumu enerjia elétrika (hamate lampu sira), gas, fuel, minarai/gazóleu...

18 Maiu – Kuidadu iha uzu bee nian, aprende konserva udan-been durante tempu udan nian ba nesesidade sira la'ós hemu nian.

19 Maiu – Hamenus uza surat-tahan, hodi uza papél nia kotuk, halo stationary, note-boook ki'ik-oan, book-marker...

20 Maiu – Atensaun ba manutensaun no reparasaun ba uma, eskola, ita-nia fatin sira...

21 Maiu – Pratika **ekolojia multimediál** (multimedia ecology), hodi navega uza engine sira ekolójika no sustentavel hanesan “Ecosia”; hamate telefone iha kalan no pelumenus oras 5 loron ida, hamate bainhira recharge no husik full charge mak uza, nune'e konserva ita-nia bateria.

22 Maiu – Halo oráriu menu hahán nian semanál ne'ebé tulun iha estilu han adekua, hamenus na'an no habarak verdura no fruta, estilu sóbriu, halo jejún solidariedade ba ema kiak (la'ós de'it dala ida semana ida).

23 Maiu – Halo asaun karidade ba ema sira ne'ebé presiza, otas katuas-ferik no mesak hodi partilla ita-nia poupana, rezultadu husi moris sóbriu.

24 Maiu – Selebrasaun Solenidade Maria Auxiliadora nian hodi iha momentu ida hamutuk reza Rozáriu Laudato Si' nian ka Laudato Si' Chaplet no halo “live” iha social media... (Se lae bele haruka gravasaun video mak tau hamutuk nu'udar video).